

OKVIRNI SPORAZUM

za nabavku pogonskog goriva – benzin za potrebe **KJU Dom za djecu bez roditeljskog staranja**

Zaključen dana 30.06.2017. godine u Sarajevu između

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, ul. Bjelave 52, koju zastupa direktor Saudin Đurđević. / u daljem tekstu: **Naručilac** /
2. **“HIFA PETROL” d.o.o. Sarajevo**, sa sjedištem u Vogošći, ul. Hotonj bb, ID broj: 4200999090005, koju zastupa direktor Ahmetlić Hajrudin / u daljem tekstu: **Dobavljač** /

I. UVOD

Član 1.

Na osnovu provedenog konkurentskog zahtjeva za dostavljanje ponuda u postupku javne nabavke – roba – pogonskog goriva – benzin za službeni automobil, Ugovorni organ je Odlukom broj: 1209-2 od 15.06.2017. odabrao ponudu Dobavljača broj JN-1765/17 od 22.05.2017 kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

II. PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za sklapanje ugovora o javnoj nabavci s Dobavljačem za nabavku pogonskog goriva – benzin za službeni automobil za potrebe **KJU Dom za djecu bez roditeljskog staranja** prema tenderskoj dokumentaciji i ponudi Dobavljača te uslovima utvrđenim tenderskom dokumentacijom i ovim Okvirnim sporazumom, u skladu sa potrebama Naručioca.

Ovaj Okvirni sporazum se sklapa na period do 31.12.2017. godine i predviđa sa ciljem realizacije isporuke roba tokom perioda ugovorenog ovim Okvirnim sporazumom

II . CIJENA

Član 3.

- Ukupna vrijednost ovog okvirnog sporazuma (bez PDV-a) iznosi :
2.862,00 KM,
- Popust iznosi: 5 %,
- Ukupna vrijednost ovog okvirnog sporazuma (bez PDV-a) i sa uključenim popustom iznosi:
2.718,90 KM,
- VRIJEDNOST PDV-a (17%) iznosi: 462,21 KM,
- UKUPNA VRIJEDNOST/CIJENA okvirnog sporazuma (sa PDV-om) iznosi:
3.181,11 KM,

III. USLOVI PROVEDBE OKVIRNOG SPORAZUMA

Član 3.

Naručilac prihvata mogućnosti promjene cijena goriva u skladu sa zakonskim propisima u Bosni i Hercegovini i kretanjem cijena na svjetskom tržištu.

Dobavljač se obavezuje da će kod eventualne promjene cijena Naručiocu dostaviti (putem faxes) kopiju odobrenja izdatog od nadležnog Ministarstva o važećoj cijeni naftnih derivata (OPC obrazac) sa iste benzinske pumpe za cijelo vrijeme trajanja Okvirnog sporazuma iz Kantona Sarajevo sa koje je dostavljen prilikom predaje ponude. Svaku promjenu cijene ponuđač je dužan prije dostave OPC obrazca najaviti 72 sata prije pisanim putem.

Član 4.

Ponuđač se obavezuje da će početi sa isporukom odmah po sklapanju ovog Okvirnog sporazuma na zahtjev Naručioca.

Preuzimanje i isporuka goriva za službena vozila u vlasništvu Naručioca će se vršiti na benzinskim pumpama Dobavljača koja su navedene u Ponudi Dobavljača, a prema potrebi Naručioca.

Član 5.

Naručilac će vršiti plaćanje na osnovu ispostavljenih faktura Ponuđača.

Naručilac će izvršiti plaćanje fakture iz stava 1. ovog člana u roku od 60 / šezdeset/ dana od dana dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju putem trezora Ministarstva finansija Kantona Sarajevo ako je Naručilac u ugovorenom roku predao nalog za plaćanje.

IV. OBAVEZE I ODGOVORNOST DOBAVLJAČA

Član 6.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač je dužan osigurati kvalitet pogonskog goriva u skladu sa zakonskim i podzakonskim propisima, donesenih od nadležnih institucija Bosne i Hercegovine.

U slučaju da ne osigura traženi kvalitet Dobavljač je odgovoran za svu štetu koju pretrpi Naručilac usljed nepostojanja kvaliteta iz stav 1. ovog člana.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

V. OBAVEZE NARUČIOCA

Član 7.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

VI. RASKID OKVIRNOG SPORAZUMA

Član 8.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

VII. RJEŠAVANJE SPOROVA

Član 9.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

VIII. SASTAVNI DIJELOVI OKVIRNOG SPORAZUMA

Član 10.

Sastavni dijelovi Okvirnog sporazuma su :

- Ponuda Dobavljača broj: JN-1765/17 od 22.05.2017.

IX. STUPANJE NA SNAGU OKVIRNOG SPORAZUMA

Član 11.

Ovaj Okvirni sporazum stupa na snagu danom obostranog potpisivanja.

Član 12.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:

Kantonalna javna ustanova
Dom za djecu bez roditeljskog staranja

Saudin Đurđević
Saudin Đurđević, direktor

Broj: 1346/17

Datum: 30.06.2017. godine



DOBAVLJAČ:

HIFA PETROL d.o.o.

Ahmetlić Hajrudin
Ahmetlić Hajrudin, direktor

Broj: 1295/14

Datum: 30.06.2017.

